

مَسْجِدُ اللَّهِ نَمَحْرُلَا مَيَحْرُلَا

Assalamualaikum Warahmatullahi Wabarakatuh

Salam Aidilfitri diucapkan kepada warga Tentera Laut Diraja Malaysia, Angkatan Tentera Malaysia dan seluruh rakyat Malaysia yang beragama Islam tidak kira di mana jua anda berada.

1. Bersempena menyambut kedatangan Hari Lebaran yang mulia ini, marilah kita bersama-sama mengenang dan menghargai pengorbanan setiap anggota tentera dan pasukan keselamatan, termasuklah TLDM yang sentiasa bersiap siaga demi menentukan keamanan negara.
2. Pengorbanan yang mereka curahkan ini membolehkan kita semua menyambut Hari Raya Aidilfitri dalam keadaan yang aman dan harmoni. Oleh itu, marilah kita berdoa agar kesejahteraan mereka sekeluarga sentiasa mendapat perlindungan daripada Allah Subhanahu Wata'ala.
3. Warga *the Navy People* yang dikasihi, sudah pastinya kita merindui kelaziman berhari raya di kampung bersama keluarga. Namun, saya harap kita semua faham dengan situasi kes pandemik COVID-19 yang semakin meningkat pada ketika ini.
4. **Kita masih belum menang.** Patuhilah setiap SOP yang dikuatkuasakan agar wabak ini tidak menular di kalangan kita. Manfaatkanlah kepelbagaian medium komunikasi untuk menghubungi keluarga dan sanak saudara yang berada jauh dari kita.
5. Kepada yang bertugas, patuhi setiap prosedur dan peraturan semasa menjalankan tugas. Semoga kita diberi perlindungan dan dijauhi daripada sebarang kejadian yang tidak diingini. In Sha Allah.
6. Akhir kalam, saya dan keluarga dengan penuh ikhlas mengucapkan Selamat Hari Raya Aidilfitri kepada anda semua. Sambutlah dengan penuh rahmat, kesyukuran dan juga kegembiraan.

‘Selamat Hari Raya Aidilfitri, Maaf Zahir dan Batin’

‘Sedia Berkorban’